

- N. Apud Romanos quando eligebantur Consules, Tribuni & huiusmodi, illi qui se reputabant dignos, veniebant ad locum, vbi fiebat electio in veste candida, & ex hoc Candidati dicti sunt, & petebant magistratum: & sic fecit Cato, licet minus instanter & ambitiosè quàm alij *Ibidem*:
- O. De illo Catone dicit Sallustius: *Quo minus petebat gloriam, illum magis sequebatur. Augustin. ibid.*
Item, vide Ambitio. b. d. e. Emptio. a. Gloria. a. Humilitas. q. y. z. Inuentio. a. Marinus. t. Mors. a. q.

H O R Æ.

- A. **Q**uidam vir sanctus, dum esset in choro, vidit diabolum quasi sacco pleno oneratum. Quæsiuit, quid portaret? Ille ait: Hæ sunt syllabæ, & dictiones syncopatæ, & versus psalmodiæ, quæ isti Clerici in matutinis furati sunt. Et quæ sunt, quale nomen habes? Et ait: Vocor Titinillus, ille autem fecit inde versum:

Fragmina psalmodum Titinillus colligit horum.

Item, vide Augustus. g.

H O S P I T A L I T A S.

- A. **I**ntrare oppidum Massiliensium nulli cum telo licet; præstoque est, qui id custodiæ gratia acceptum exituro reddat, vt hospitia, quemadmodum venientibus humana sunt, ita ipsis quoque tuta sint. *Valer. Maximus libro secundo capite 2.*
- B. T. Quintius Crispinus Campanum Badium hospicio exceperat, & ægrum recreauerat, a quo post Campanorum defectionem in acie ad pugnam prouocatus, cum & viribus corporis & animi virtute aliquanto esset superior, monere ingratum, quam vincere maluit. Quid agis, inquit, demens? Vnus tibi Romanorum Quintius placet, in quo scelestæ exerceas arma: cuius penatibus & honoris vicissitudinem & salutem tuam debes? Verique cœlestè numen dedit debitum exitum. Siquidem in eo prælio Badius obtruncatus est, Quintius insigni pugna clarus euasit. *Val. lib. 5. c. 1. T. Linius lib. 25.*
- C. Quotidie Gregorius peregrinos ad mensam suam inuitabat. inter quos die quadam vnus adfuit, cuius manibus, dum ipse aquam fundere vellet, vrceum accepit, sed in cuius manibus aquam funderet, non inuenit. Cumque hoc mirare-